

ORGANI SHQYRTUES I PROKURIMIT

Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Një ankesë kundër: **KUVENDI I KOMUNES SE PRISHTINES**

Për Aktivitetin e Prokurimit Nr. i AP: **616-23-9889-1-1-1**

Sa i përket tenderit për **Furnizim me inventar për nevojat e KPSH-së**

ANKESË

1. Identifikimi i ankuesit*

Shëno emrin e plotë të kompanisë suaj	SRAHEP SH.P.K.
NUI	812010338
Adresa	RRUGA Uçk pn
Vendi	Prishtinë
Kodi postar	1245
Numri Telefonit	045933690
Emri i plotë i përfaqësuesit të kompanisë suaj	ARDIAN MORINA
Adresa elektronike	srahepshpk@gmail.com
Data e parashtrimit të ankesës	17.01.2024

**Ankues do të thotë një palë e interesuar për parashtrim të ankesës.*

2. Identifikimi i avokatit

Parashtruesi i ankesës mund ta parashtroj ankesën vetëm ose përmes avokatit të tij. Nëse ankesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.

Shëno të dhënat si në vijim:

Emri i avokatit
Adresa e plotë
Numri i Telefonit
Numri i faks-it
Adresa elektronike

3. Të dhënat mbi aktivitetin e prokurimit

Shëno një përshkrim të shkurtër lidhur me datën dhe vendin në të cilën është publikuar “ Njoftimi për Kontratë” apo “Njoftimi për konkurs të projektimit” dhe, nëse aplikohet “Njoftimi për dhënie të Kontratës” “Njoftimi për Rezultatet e Konkursit të Projektimit”, apo “Njoftimi për anulim të aktivitetit të prokurimit”, nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës:

Ankesa i përket grupeve:

Furnizim me inventar për nevojat e KPSH-së

Autoriteti Kontraktues Komuna e Prishtinë ka publikuar njoftimin për kontratë për prokurimin me titull: Furnizim me inventar për nevojat e KPSH-së me datë 18.09.2023.

Afati i kërkesës për sqarimin e tenderit ka qenë me datën 18.10.2023.

Afati i fundit për dorëzimin e tenderit është me 22.01.2024, në ora 13:30:00

Kriteri për dhënie të kontratës është: Tendei i përgjegjshëm me çmimin më të ulët.

Ndaj kësaj procedure kemi bërë kërkesë për rishqyrtim të cilen na ka refuzuar Autoriteti Kontraktues. Pas refuzimit kemi paraqitur Ankesën në OSHP e cila e ka aprovuar në teresi dhe ka rekomanduar që AK të eliminojë kriteret diskriminuese dhe të veprojë konform legjislacionit të prokurimit.

Pas vendimit të OSHP-së Autoriteti Kontraktues i ka ndryshuar vetëm disa specifika tek përshkrimi i çmimit, mirëpo nuk e ka korigjuar dosjen e tenderit sipas vendimit të OSHP-së.

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po ☐

Jo ☒

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Po ☐

Jo ☒

6. Zgjidhja preliminare e mosmarrëveshjeve

A keni bërë kërkesë për rishqyrtim pranë AK lidhur me arsyet e eliminimit tuaj?

Po ☒

Jo ☐

Nëse po, ofroni detaje mbi këtë fakt dhe bashkëngjit një kopje të vendimit të miratuar nga AK gjatë kontestit paraprak të zgjidhjes së mosmarrëveshjeve në përputhje me nenin 108A të LPP-se.

Pas vendimit të OSHP-së Autoriteti Kontraktues i ka ndryshuar vetëm disa specifika

tek përshkrimi i çmimit, mirëpo nuk e ka korigjuar dosjen e tenderit sipas vendimit të OSHP-s.

Andaj me datën 10.01.2024 kemi paraqitur kërkesën për rishqyrtim tek Autoriteti Kontraktues Komuna e Prishtinës të cilët me vendimin e datës 12.01.2024 e kanë aprovuar në tërësi kërkesën tonë, por që edhe më tutje nuk i kanë zbatuar dhe nuk i kanë përfillur konstatimet dhe rekomandimet e OSHP-s pasi që i kanë vendosur të njëjtat kushte diskriminuese të cilat janë konstatuar me rastin e shqyrtimit të ankesës tonë, duke ia ndërruar vetëm vendet e falive por që më esencë kanë mbetur kërkesat e njëjta.

7. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs te Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënie të Kontratës apo Njoftimit për Rezultatet e Konkursit të Projektimit apo Njoftimit për Anulim.

Duke u bazuar në Ligjin për Prokurimin Publik në Kosovë me nr. 04/L-042 , i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092 mendojmë që Autoriteti kontraktues i ka shkelur dispozitat e LPP-së si në vijim:

Neni 7 i LPP-së
Neni 27 i LPP-së
Neni 28 i LPP-së
Neni 51 i LPP-së
Neni 69 i LPP-së

Neni 4 i Rregullorës nr. 001/2022 për Prokurimin Publik
Neni 17 i Rregullorës nr. 001/2022 për Prokurimin Publik
Neni 24 i Rregullorës nr. 001/2022 për Prokurimin Publik
Neni 25 i Rregullorës nr. 001/2022 për Prokurimin Publik
Neni 97 i Rregullorës nr. 001/2022 për Prokurimin Publik

*** Sipas Nenit 118 të LPP, OSHP-ja do të kthejë tarifën tuaj nëse ankesa aprovohet si e bazuar. OSHP-ja mund të kërkojë një gjobë shtesë deri në 5,000 Euro në rastet kur OSHP-ja konstaton që të gjitha apo cilado nga pretendimet e parashtruara në ankesë kanë qenë të rrejshme ose mashtruese.*

8. Deklaratë detale mbi faktet dhe argumentet

Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuar për faktet dhe argumentet të cilat mbështesin secilën bazë të ankesës tuaj.

Autoriteti Kontraktues nuk e ka korigjuar në platformën elektronike dosjen e tenderit dhe si pasojë nuk i ka ndryshuar kërkesat dhe dëshmitë për pjesëmarrje sikur është kërkuar në vendimin OSHP: 2023/0843 . Autoriteti Kontraktues ka vendosur vetëm përshkrimin e çmimit, si pasojë nuk dihet sakt se cilat kushte duhet të plotësohen për të marrë pjesë në tender pasi që ka bërë korigjim të dosjes së tenderit por ndryshimet nuk i ka paraqitur në dosjen e re të tenderit. Mos vendosja e dosjes së re të tenderit në platformën elektronike paraqet shkelje të nenit 17 të Rregullorës së Prokurimit 001/2022 konkretisht paragrafët 17.12 dhe 17.16 Duke mos e ndryshuar dosjen e tenderit Autoriteti Kontraktues gjithashtu ka lënë në fuqi kushte të pjesëmarrjes të cilat janë diskriminuese dhe jo relevante me natyrën e prokurimit në fjalë edhe përkundër të konstatimit të panelit shqyrtes se Autoriteti Kontraktues duhet të sigurohet se kushtet e vendosura duhet të jenë relevante me natyrën e prokurimit. Andaj të pa kënaqur me veprimet e Autoritetit Kontraktues ne me datën 10.01.2024 kemi paraqitur kërkesë për rishqyrtim, pasi që Paneli Shqyrtues ka vlerësuar se Autoriteti Kontraktues duhet të bej përmirësimet në dosje të tenderit duke lejuar një tolerance të dimensioneve dhe peshave të inventarit, me përjashtim të pajisjeve që domosdoshmerisht për arsye objektive duhet të kenë dimensionet dhe peshën ashtu si është kërkuar. Lidhur me pohimin e ankuesit se AK ja ka përshtat specifikimet teknike vetëm të një prodhuesi atëherë paneli shqyrtues mendon se 4/3 F02 Formulari Standard për rishqyrtim të vendimit në AK kjo paraqet shkelje të nenit 28 të LPP, kështu që AK është i obliguar që hartimin e Dosjes së Tenderit ta bëjë konform nenit 27 dhe 28 të LPP. Kështu që, AK duhet të ndërmarrë masa të verifikoj këto konstatime të OE ankues dhe nëse këto janë të qëndrueshme atëherë ti bëjë këto përmirësime. Deri në përfundim të këtij vlerësimi paneli shqyrtues erdhi si pasojë e mos konstatimit të saktë të gjendjes nga ana e ekspertëve shqyrtues. Lidhur me pohimin e ankuesit sa i përket autorizimit nga prodhuesi apo dileri, paneli shqyrtues nuk pajtohet me konstatimin e ekspertit shqyrtues sepse kanë dallim autorizimet dhe deklaratat e konformitetit, gjë që nuk janë të njëjta, andaj, për panelin shqyrtues një kriter i tillë lidhur me këtë natyrë të furnizimit është kriter i rëndë dhe kufizon në masë të madhe konkurrencën. Edhe pse panelit shqyrtues ja ka bërë të qartë Autoritetit Kontraktues se autorizimi e kufizon në masë të madhe konkurrencën, pra kriteri është diskriminues AK ka vendosur përsëri kriterin e njëjtë duke ia ndërruar vetë vendet fjalëve në fjali por që esenca ka mbetur e njëjtë. Andaj AK duhet të merr masa për heqjen e autorizimit nga prodhuesi sikur ka konstatuar paneli shqyrtes. Po ashtu, paneli shqyrtues nuk pajtohet edhe në këtë rast me ekspertin shqyrtues sepse deri te ky konstatim eksperti shqyrtues ka ardh si rezultat se kjo certifikatë "synon të sigurojë që pajisjet mjekësore të jenë të sigurta dhe efektive për përdorimin e tyre të synuar", ndërsa, aktiviteti i prokurimit ka të bëjë me inventar duke përfshirë në specifikacion, perde, ormana, karrika, etj. Kështu që AK duhet të veprojë konform nenit 51, paragrafi 1 i LPP, citat: "Të gjitha kriteret e përzgjedhjes duhet të kufizohen vetëm në kriteret e nevojshme për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për të përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Në asnjë rast, autoriteti kontraktues nuk duhet që të përfshijë, saktësojë ose përdorë kriteret të përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 të këtij ligji".

Autoriteti Kontraktues pas ankesës i ka korigjuar disa specifika tek përshkrimi i çmimit

dhe ka vendosur pershkrimin e çmimit në platformë, por edhe përkundër ndryshimeve që i ka bërë nuk e ka shtyrë afatin për dorëzimin e tenderit. Andaj me këtë rast ka vepruar në kundërtshim me nenin 24 paragrafin 24.7 lidhur me paragrafin 24.5 pasi që pas ndryshimeve afati minimal që duhet të lihet nga data e ndryshimeve deri në datën e dorëzimit të tenderit është minimumi dhjetë (10) ditë, ndërsa AK ka dhënë një afat prej shtatë (7) ditëve nga data e ndryshimit të specifikave teknike në përshkrimin e çmimit.

Pra sikur shihet më lartë Autoriteti Kontraktues fare nuk ka marrë për bazë konstatimet e Panelit Shqyrtues të OSHP-së sa i përket kushteve të pjesëmarrjes andaj edhe me këtë rast ka bërë shkelje për mospërfillje të vendimit të OSHP-së sikur është përcaktuar në nenin 97 të Rregullores së Prokurimit. Duke u bazuar në atë që u tha më lartë me datën 10.01.2024 kemi kërkuar nga Autoriteti Kontraktues që të pezullon procedurën e prokurimit në fjalë, t'i rishqyrton kushtet e pjesëmarrjes në pajtim me konstatimet e Panelit Shqyrtues të OSHP-së dhe t'i heqni nga dosja e tenderti kriteret diskriminuese në mënyrë që të evitojnë shkeljet e legjislacionit të prokurimit të konstatuara nga paneli shqyrtues në mënyrë që të zbatohet vendimi i OSHP-së si dhe të ngarkojnë në sistem dosjen e korrigjuar të prokurimit në fjalë duke i qartësuar kushtet e pjesëmarrjes dhe të zgjasin afatin e dorëzimit të tenderit së paku 10 ditë nga data e ngarkimit në sistem të dosjes së tenderit të korrigjuar.

Autoriteti Kontraktues ka shqyrtuar pretendimet tona të paraqitura në kërkesën për rishqyrtim dhe me datën 12.01.2024 ka marrë vendim me të cilin ka aprovuar në tërësi të gjitha pretendimet ankimore duke konstatuar që pretendimet ankimore i referohen ekskluzivisht vendimit të OSHP-së me shenjë OSHP: 2023/0843 lidhur me këtë aktivitet të prokurimit. Gjithashtu kanë potencuar se respektimi i vendimeve të OSHP-së është detyrim ligjor i pa kontestueshëm në kuptim të nenit 97 paragrafi 97.1 RRPP dhe se është gjetur se të gjitha pretendimet ankimore që i referohen ekskluzivisht vendimit të OSHP-së janë pretendime ankimore të bazuara. Por edhe pse ka aprovuar në tërësi kërkesën tonë për rishqyrtim AK ka vazhduar me kushtet e njëjta të cilat OSHP i ka cilesuar si diskriminuese pasi që nuk e ka hequr nga kërkesa autorizimin e prodhuesit, ka kërkuar dëshmi të cilat nuk mund realizohen, pasi që tek Kërkesat mbi mundësitë teknike dhe/ose profesionale neni 9.1&9.2 pika 2 si dëshmi ka kërkuar CV të noterizuar gjë e cila nuk mund të bëhet pasi që noterët nuk e konsiderojnë si dokument që mund të noterizohet. Gjithashtu ka kërkuar që të paraqitet Kopja e Liqencës së AKPPM-së si qarkullues me shumicë të pajisjeve medicinale e cila nuk është relevante me natyrën e prokurimit pasi që natyra e prokurimit është furnizimi me mobilje dhe inventar dhe jo pajisje medicinale sikur është paraqitur kërkesa më lartë. Kjo është bërë me qëllim të caktuar për ta favorizuar ndonjë O.E. të paracaktuar dhe për të diskriminuar O.E. tjerë konkurrent.

Andaj, Kërkojmë nga Organi Shqyrtues i Prokurimit (OSHP) që në përputhje me kompetencat e juaja të parapara në dispozitat e LPP-së si dhe në dispozitat e lartcekura të marrë masa ndaj AK-së për mos zbatimin e vendimit të OSHP-së me shenjë OSHP: 2023/0843, të urdhërojë Autoritetin Kontraktues që automatikisht të pezullon aktivitetin e prokurimit në fjalë deri sa të shqyrtohet ankesa jonë dhe të merret vendimi nga OSHP si dhe të urdhërohet Autoriteti Kontraktues të mënjanon kriteret diskriminuese teknike dhe

ato të përzgjedhjes të cekura më lartë të cilat janë përfshirë në njoftim për kontratë dhe në dosjen e tenderit, lidhur me aktivitetin e prokurimit në fjalë.

9. Dëmet materiale

Përshkruaj mënyrën se si shkelja e supozuar i ka shkaktuar ose kërcënohet t'i shkaktojë dëme materiale parashtruesit të ankesës, në rast se përfshini pretendime për kompensim.

Duke pasur parasysh shkeljet të cilat i ka bërë Autoriteti Kontraktues më lartë neve nuk do të na shkaktohen dëme të drejtëpërdrejta materiale por se do të vinte në shprehje fitimi i humbur në rastë se ne nuk do të merrnim pjesë në këtë tender si pasoj e kriterëve diskriminuese të vëna nga Autoriteti Kontraktues.

10. Lista e dokumenteve (dëshmime) të bashkangjitura

Nëse aplikohet, bashkëngjitni Ankesës dokumentet e renditura më poshtë:

- a) një kopje të publikimit të “Njoftimit për Kontratë” apo “Njoftimit për Konkurs të Projektimit.
- b) një kopje të publikimit për “Njoftimin e Dhënies së Kontratës” apo “Njoftimin për Rezultatet e Konkursit të Projektimit” apo “Njoftimit për Anulim”.
- c) një kopje të letrës së eliminimit të tenderuesit/kandidatit/ letrës se tenderuesit të pasuksesshëm/ letrës për mos para-kualifikim.
- d) një kopje të procesverbalit të hapjes publike të tenderëve, nëse aplikohet,
- e) bashkëngjit një kopje të vendimit të miratuar nga AK gjatë kontekstit paraprak të zgjidhjes së mosmarrëveshjeve në përputhje me nenin 108A të LPP-se,
- f) Dëshminë e pagesës së tarifës së ankimit në përputhje me nenin 118 të LPP-se, dhe
- g) të gjitha korrespondencat e juaja me autoritetin kontraktues duke përfshirë e-mailat si dhe çdo informatë të shkruar që ka të bëjë me këtë aktivitet prokurimi, si dhe me secilin pretendim të paraqitur në ankesë.

***Sipas Nenit 111.2 të LPP, Parashtruesi i ankesës, origjinalin e ankesës do t'ia dorëzojë OSHP-së dhe njëkohësisht një kopje do t'ia dërgojë në mënyrën më të shpejtë të mundshme Autoritetit Kontraktues.